



Diario pa



Aruba



## Minister Petronia: ni pro ni contra resolucion di A.S.U.

### C. S. A. C. a keda desintegra

(Di nos redactor departivo)

„Lo no ta pasobra e sabi odelanta cu e Ministro no ta na favor di e Resolucion?” Esaki ta parti di e articulo cu nos a publica den nos edicion di diaRazon u.p. den cual nos a desaproba e sistema di duna noticianan en relacion cu e Resolucion di A.S.U. cu e diario curazolenjo Amigoe di Curocao ta hibando.

Despues cu anja pasa a worde dicidi di trece e Resolucion atrobe na vigor y cu e texto nobo di e Resolucion a worde aproba, directiva di A.S.U. no a manda un copia di e texto pa e Ministro en cuestion. En vista di e interes muestra door di e Ministro poco promer cu e Resolucion a worde aproba atrobe, nos ta kere cu en realidad tabata conceto pa e Ministro ser poni na haltura di e texto, tan pronto cu esaki a worde formula y aproba.

Como cu e Ministro ta hanja cu e pregunta cu a aparece den nos articulo, manera menciona na principio, ta encerra e apariencia cu e por ta contra di e Resolucion, e Ministro a desea di expresa claramente cu e no ta ni pro ni contra di e Resolucion.

„Nos a splika e Ministro cu debi na declaracion di dje cu a worde publica anja pasa na november, den cual e uso di e Resolucion a worde vama un „roekeloze daad”, ta aceptabel e deducion cu e no ta na favor di e Resolucion.

Resolucion na vigor atrobe ta „roekeloos”, pasobra segun e e ta un hecho cu no ta duna actualmente ningun solucion, pero cu ta afecta dos grupo: Uno ta e practicante di deporte, otro ta e amante (den publico) di deporte.


„Y den e direccion aki ya ni a tuma varios paso caba. Mi ta convenci sin embargo cu pa por regla e problema aki definitivamente ta un buena voluntad mester sali for di e lidernan deportivo en cuestion”, e Ministro a continua.

„Mi ta desea di aclara ademas cu e intension basico di e Resolucion di ASU pa manera mi por a deduci di local cu a sali den prensa por ta algo cu a lo largo di cuakier forma merece un solucion aceptable. Ta algo cu door di e evolucion di Antillas a keda atras, pero cu lo mester alcanza e nivel cu ta mas di acuerdo cu nos evolucion.”

#### Desintegracion di e C.S.A.C.

Ministro Petronia a informa nos cu diarazon mainta el a firma e Decision den cual e Centrale Sport AdviesCommissie ta worde desintegra.

En conexion cu e pregunta lanza na principio aki, Su Excelencia Ministro Petronia, kende tin e responsabilidad den Gobierno Central di e Departamento di Cultura y Educacion, a acerco nos cu e categorico declaracion cu E no ta ni pro ni contra e Resolucion di A.S.U. „Y esaki pa e simple motivo cu mi no ta na haltura di e texto di e Resolucion”, e Ministro a oregra.



Ministro Petronia

Aruba Sport Unie. Tocante esaki e Ministro a expresa cu for di directiva di Vecuspo, el a ricibi un carta den cual e organizacion ey ta haci remarka cu den e Sport Advies Commissie no tin representante di Vecuspo, mientras cu si tin representante di A.S.U. E federacion Vecuspo a keda forma na Corsow despues cu N.A.B.L.O. a worde desintegra. A sali for di e sijnshisvan Curacao Sport Organisatie) y N.A.O.C. (Nederlands Antilliaans Olympisch Comité).

Na esaki nos ta desea di agreda cu dor di e tres miembronan di Aruba a worde haci e proposicion tigu na ta pasa caba pa desintegra e comision.

#### Loke nos ta opina

En relacion cu e declaracion di Su Excelencia Ministro Petronia di no ta ni pro ni contra di e Resolucion nos ta opina lo siguiente. Nos ta contento di a tende e declaracion categorico aki. E ta parece nos e opinion husto pa un ministro ya cu como ministro e no por apoya algo cu ta trece te na cierto grado un division den vida deportiva di Antillas Hulandes. Pero di otro banda tampoco e ministro por keda sin mira e intencion husto y mereci cu e Resolucion ta asina di logra.

Manera Ministro Petronia a declara na nos ya nos a yega di menciona caba cu e solucion verdadero y definitivo di e conflicto ta radica den e buena voluntad cu for di banda di lidernan deportivo mester worde demostra y poni na practica.

Cu e declaracion awor di Ministro Petronia ta worde kita e opinion general cu e Ministro lo ta contra di e Resolucion. Un opinion comprensible luzgando na e publicacion haci den e edicion di Amigoe di Curacao di dia 13 di november 1962 segun cual e Ministro a usa e expresion „roekeloze daad”.

Apesar di e splikacion awor duna door di e Ministro nos no ta hanja e expresion ey correcto den e caso. Mas ainda pasobra no tabata tin e splikacion husto cu e publicacion.

Ta di aplaudi cu e Ministro ta luzga necesario pa trece deporte na e nivel debi di nos evolucion. Esaki ta nifica cu e ta positivamente partidario di e cambio.

bionan cu lo mester worde haci den organisacion general di deporte di Antillas Hulandes. Ta indudablemente un bon senjal pa deporte aniyano. Aunke cu pa e cambionan mester di cooperacion di e lidernan deportivo, ta un gran cos ora cu un ministro ta hanja cu ta necesario pa trece cambionan

#### SEGUNDO VICTIMA DI TRAFICO PA '63

ORANJESTAD, 8 febr. — Trafico a existi sin di dos victima caba pa e anja aki. Ta sr. R. (Doy) Valbuena, e chofer di e auto di sport A-2714 cu den anochi di diasabra pa diadomingo a dal contra di un auto Ford 8049 riba e caminda grandi na Cura Cabai y despues mester a worde hospitalisa peligrosamente berda.

Tur ayudo medico tabata en vano y e victima a fallece den San Pedro Hospital. E entierro a tuma lugar ajera tardi pa 5.00 or bau di un enorme interes. Na cabes di e entierro tabatin cuater auto jen di flor.

#### REUNION DI EILANDS-RAAD TOCANTE KIESREGLEMENT

ORANJESTAD, 8 febr. — Dialuna atardi eilandsraad di Aruba lo reuni pa trata un agenda cu ta menciona solamente un punto. Ora cu e raad a dicidi pa un alteracion di e kiesreglement di Aruba dia 23 di januari u.p. nan no a mira cu articulo 19 mester a hanja un alteracion ainda.

Na ta reuni awor pa asina duna B.C. permit pa haci e cambio den e texto di e articulo menciona. Ta traha aki di e procedura chikito, cu mester worde adapta na loke ta e momento, na e texto nobo di e kiesreglement.

#### "FUND RAISING" BANQUETE DI P.P.A.

ORANJESTAD, 8 febr. — Dia 9 di maart anochi, un tal fund raising banquet lo worde teni den barbeque pit di Aruba Caribbean Hotel-Casino. Oradornan na e ocasion aki lo ta e ministronan O.S. Henriquez, E.O. Petronia y diputado F.J. Tromp.

#### RADIO ANTILLANA A CUMINZA CU HERSENGYMNASTIEK

SAN NICOLAAS, 8 febr. — Diarazon anochi u.p. e programa di hersengymnastiek na papimento di Radio Antillana a cuminza. A enfrentata otro e equiponan „Spoed niet” y „Antilliana Fan Club”. Cuaj encuentro a worde gana pa „Spoed niet” cu 33 contra 17 puntos. Diabiernes anochi (esta awe nochi), pa 9.30 or p.m. e equiponan di „Shred Masters” y „De La Salle College” lo enfrenta otro.

#### BROENEL TA UNI CU MALEIE

KOEALA LOEMPOER, 8 febr. — Sultan di Broenei, sr. Omar Saifuddin, a dicidi cu Broenei lo afilia den e federacion nobo di Maleie, cu nan lo forma na agosto di e anja aki, y caminda e federacion di Malaya, Singapore Serawak y Noord Borneo lo forma parti.

Ayera mainta e sultan a anuncia su decision, cu ta basa riba suposicionnan cu e futuro di Broenei lo wordu cambia door di afiliacion. E gobierno di e federacion di Malaya, a duna e sultan cierto segurisacionnan loke ta referi constitucion di e federacion nobo y e a duné seguridad pa e interesnan di petroleo di Broenei.

Na Den Haag nan a tene un reunion di e acclonstanan di K.I.M. en conexion cu e dificultadnan recien den cual e compania ta hunjele actualmente. Aki nos ta mira e president-commissaris dr. Ir. I. O. den Hollander (parando entre e miembronan di directiva) dirijendo palabranan a acclonstanan.

#### COMPETITIE A.V.B.

Awenochi pa 7.30 den WILHELMINA STADION  
TROPICAL S.C. vs. SAN NIC. JRS.

(1100FDKLASSE)

TRIBUNA PABAU FL. 1.— TRIBUNA PARIBA FL. 0.75  
Pa mucha tin lugar tras di goal pa Fl. 0.25

#### FATUM — Tel.: 1845 pa tur bo asegurado

#### MENOS AVION - MAS PASAHERO NA 1962

ORANJESTAD, 8 febr. — Aunke cu e conecion di K.I.M. entre Aruba y New York y esun di Delta Airlines entre Aruba — New Orleans a worde discontinua y asina e cantidad di aterizahenan comercial na Prinses Beatrix — Vliegvelde di Aruba a baha cu 20%, e cantidad di pasahero cu ta jega y sali a aumenta sin embargo considerable, esta cu respectivamente 6.0% y 6.2%.

Esakinan ta e cifranan compactivo di 1961 y 1962.

Aterizahenan:	1962	1961
Comercial	3017	2412
Priva	468	419
Gobierno	108	161
Total	3593	2992
Pasahero	1961	1962
Entrada	40.294	42.712
Salida	40.728	43.257
Transito	32.754	18.797
Total	113.776	104.766

#### PALABRUA DI SNEEUW A ATACA HOMBER

DORDRECHT, 8 febr. — Un habitante di Dubbeldam, senor J. Boet, a worde ataca ajera na caminda pa su cas dos biaha pa un palabrua grandi di sneeuw cu a bin pasa poco tempo na Hulanda. Ora cu e para a sali di prome biaha for di mondi y a hini riba senor Boet, esaki a spantaa asina tantu cu el a cai cu su bromfiet. Mientras e tabata drumi na suela, el a mira e para ta hini riba dje, el a lanta y hui pa garanar dje para, largando su bromfiet abon.


El a hui kerlendo cu e para aki a bai, pero ora el a mira atras el a mira esaki ta hini full speed riba dje. Door di zwan en su man y haci sonido cu su boca el a logra spantaa e para. Senor Boet en ta un homber fuerte, a spanta masia. Cu esaki ta ni seis biaha den e siglo aki en nan a mira un sneeuwball na Hulanda.

#### TRAFICO DI BAPOR PA ARUBA NA JANUARI

ORANJESTAD, 8 febr. — E cantidad di bapor cu a drenta na Oranjestad, segun e cifranan publica pa Havenkantoor ta muestra mas haltu atrobe cu na januari 1962.

E cifranan, den cual pa prome biaha tin e jagadanan den e haf industrial na Barcadera, esta „Isis” di KNSM, cu poco tempo pasa a drenta como prome bapor den e haf ta lo siguiente:

JANUARI 1962:		
182 tanquero	3.009.044	Br.
66 otro bapor	295.644	Br.
6 bapor di hela	357	Br.
254	3.305.045	Br.
JANUARI 1963:		
180 tanquero	3.105.355	Br.
64 otro bapor	265.313	Br.
2 draga	3.660	Br.
2 bapor di hela	119	Br.
248	3.374.447	Br.



Minister-president di Hulanda prof. dr. De Quay a ricibi e secretario general di NAVO mr. D. U. Strikker, na cual tambe e secretarionan di defensa y exterior tabata presente. Riba e portret d.r.p.dr. Sr. Calmeyer, dr. Van Houten, mr. Stikker y prof. De Quay.

#### NOS MUCHA DI CORANT A LUBIDA BO!

Jama nos hefe di distribucion Maximo Croes TEL. 7007 y bo to hanja bo corant mas pronto posibel ainda na cas!



# „The Ten Commandments”

ta worde presenta na :

## TEATRO SAVANETA :

diadomingo 10 febr.  
 dialuna 11 febr.  
 diamars 12 febr.  
 pa 8'or p.m.

## TEATRO PRINCIPAL :

diadomingo 17 febr.  
 dialuna 18 febr.  
 diamars 19 febr.  
 pa 8'or p.m.

## TEATRO DE VEER :

diasabra 9 maart  
 diadomingo 10 maart  
 dialuna 11 maart  
 pa 8'or p.m.

diadomingo 10 maart  
 pa 4'or Matinee.

(tur edad ta admitti)



**LOS DIEZ MANDAMIENTOS**  
 THE TEN COMMANDMENTS  
 CHARLTON HESTON, YUL BRUNNER, ANNE BAXTER, EDWARD G. ROBINSON, YVONNE DE CARLO, DEBRA PAGE, JOHN DEREK, SIR CEDRIC HARDWICKE, NINA FACH, MARTHA SCOUT, JUDITH ANDERSON, VINCENT PRICE.  
 Dr. Cecil B. De Mille  
 Escrita para la pantalla por Arnes Mackenzie, Jesse L. Lasky, Jr., Jack Garss y Frederic M. Frank  
 Basado en las Sagradas Escrituras y otros antiguos y modernos documentos. Producida por Mison Pictures Associates, Inc.

## NOTANAN SOVIETICA TOCANTE TRATADO FRANCES-ALEMAN

MOSCU. 8 febr. — Ayera e agencia di prensa Rusia „Tass”, a anuncia e notanan Sovietico pa Francia y Alemania den cual nan ta protesta contra tratado Frances Aleman. Den esaki nan ta parla di un tratado di guerra, cu ta obliga paisnan comunista pa tuma mas medidanan na fortifica henter nan porcion di defensa. Esaki ta manera un enterastrife, cu ta lo na dal e prome aya contra e edificio di e baz Francés, cu omanera e ta actualmente tin mester di un fundeshi fuerte. Ayera ta para den e notanan.

Tambe nan a parla tocante gobierno Francés cu esaki ta un e forzanan negativo, a militarismo agresivo na Alemania West. Nan ta destrui nos a seguridad di nublacion, aislamiento di Europa.

## COMESTIBLE Y COMBIUSTIBLE PA SCHIERMONNIKOOG

Nan a logra pa transporta carbon pa e isla Schiermonnikoog cu abita completamente isla for di resta di mundo.

Tabatin riba e isla aki gran falta di comestible y combustible. Hopi familia a bai biba cerca otro pa gasta riba e manera aki mas menos combustible posibel.

Pero nan a logra kibra isolamente

di e isla. Un lancha a logra azeren e isla basta asina cu nan por a baha e carga riba botanan mas chiqui cu a sigi biba e carga pa e isla.

## AUGSTEIN DEN LIBERTAD

KARLSRUHE. 8 febr. — E editor di e revista di Alemania West Der Spiegel, Rudolf Augstein di 39 años, a keda liber ayera despues di su detencion provisional, asina e corte di justicia na Karlsruhe a partiha Augstein tabata e ultimo sospechoso den e asunto Der Spiegel, cu a keda presu. Nan a sospechele di traicion di pais.

E servicio di prensa di e corte di justicia a participa, cu nan a laga Augstein den libertad pasombra na tin mas peliger cu e lo por laga puebanan disparee. Maske nan a laga tur e sospechosonan di e caso aki den libertad, toch nan a habri un investigacion judicial contra algun.

## INCIDENTE NA MOSCU

MOSCU. 8 febr. — E embajada di Alemania West na Moscu a protesta cerca autoridatnan Sovietico en relacion cu un incidente, caminda un polis Ruso a penera den terreno di embajada, pa cohe un homber cu kler inscribi pa repatria.

Segun un bohero di e embajada e polis a petra ayera riba e terreno pa cohe un di e dos hombernan, cu kler a inscribi cerca oficina di repatriacion. E homber a logra los su mes di e gara di polis y drenta den e edificio. E otro nan a cohe na un brigamentu mafur di e edificio. E homber cu a logra drenta den e embajada a sali di eyan algun ora despues. E bohero di Alemania West no sa kiko a para di dje despues.

**THE BEST**  
 for Preventing Fatigue  
 High in vitamin B-1  
  
**QUAKER OATS**

## NACIONAN UNI TA DESMENTI ENTREGA ADELANTA DI NIEUW GUINEA

NACIONAN UNES febr. — Ayera Nacionnan Uni a bolbe segun, cu e entree di Nieuw Guinea occidental na Indonesia lo uasa lusa d'a prome di mei proximo.

Riba un pregunta tocante un declaracion di e minister Indones di asuntunan exterior, Dr. Soekarno, cu nan a anuncia un fecha adelanta, un bohero di Nacionnan Uni a bisa: „Nos no tin ningun informacion tozante esaki, y e punto di bista di e secretario general ta keda manera el a explicar na su conferencia di prensa.

## MOCION LABORISTA DI DESCONFIANZA

LONDEN. 8 febr. — Mienbronan di e oposicion laborista den Legerhuis Ingles a entrega ayera un mocion di desconfianza, den cual nan ta critica e politiek di gobierno riba tereno comercial internacional despues di e proceso di deliberacionnan di E.T.G. na Brusel.

Den e mocion nan a bisa, cu e gobierno no por entretra e situacion crea door di terminacion delibacionnan.

ter di haci e diferen e forzama di guerra mas chiqui. Segun Norstad, aki mester cuminsa cu entrecambio di mampian, riba cual nan ta indica tur instalacionnan militar y sitio di e forzanan di guerra dea y zona mencionada.

Norstad a expresa su proposicion den un texto cu el a stipula, pa un discurso pa mienbronan den camera di comercio di Minneapolis.

## AYUDO MERICANO PA ARGELIA

ARGEL. 8 febr. — E segundo minister Mericano pa asuntunan Africano, Mennen Williams, a bisa ayera na un conferencia di prensa na Argel despues di su bishita di cinco dia na Argelia, cu Merca tin idea di duna Argelia mas ayudo pa desarollo.

El a bisa cu funcionariano Mericano y Argel ta haciendo deliberacionnan.

## REPRESENTANTE INDONES NA DEN HAAG

DIJAKARTA. 8 febr. — E bohero oficial di e ministerio Indones di exterior a participa ayera, cu un representante di e embajada Indones na London a bisa ayera, cu e representante di e embajada Indones na London a sali pa Hulanda a delibera cu e ministerio di exterior na Den Haag, tocante e establecimiento di relacionnan diplomatico di ambos pais. E bohero a participa, en nan lo papia tocante entrecambio di delegadonan.

E bohero no a menciona number di e representante. Tampoco e por a bisa cual ora esaki a sali for di London. Ta probablemente, segun e cu presidente Soekarno lo menciona, den su discurso, cu el lo tene dia 13 di februari pa movimientu nacional, e kestion di relacionnan Hulandes Indones.

Den circulacion di e ministerio Indones di exterior y circulacion diplomatico na Diakarta, nan ta spera pronto restablecimiento di e relacionnan.

## DANJO ENORME

FRANKFORT. 8 febr. — Ayera a kuma un expedicion di Brown Boveri & Co. na Grossauheim, cerca di Frankfurt. Nan tabata usa e hal pa transportacion di ijskast, E danjo ta worde calcula entre 135 y 18 milyon florin.



**YABI** pa bo exito  
 Avisa den ARUBAANSE COURANT y compara e resultado!

**TELA BARATA**  
 den tur color, especialmente pa Carnaval.

Tambe tur clase di adornos pa bistrnan di desfray y decoracion di cochenan di carnaval.  
 Sin ningun duda: Pa un carnaval exitoso, haci bo compras di carnaval na **LA LINDA**

Tape Recorder **SIERA!!**  
 Transistor — 1 rol di tape ta toca 2 hora max. Excelente calidad. Prijs masha atractivo. **CASA ELECTRONICA** (banda di Viana) - Tel. 5351

**INAUGURACION DI BERNADETTE KLEUTERSCHOOL**  
 SAN NICOLAAS. 8 febr. — Dia-luna mainta p.v. pa nuebor y mei Bernadette Kleuterschool na San Nicolas lo worde inaugura. E kleuterschool aki ta situa na Wez, Kustbatterij. E inauguracion lo worde efectua pa pastoor B. van Baars.

**“LEG TIPS” PA MESA Y STOEL!**  
 Pa proteccion di bo tapijt, linoleum y vloer di bo cas, monta „leg tips” bau di pia di stoel of mesa.  
**“LEG TIPS”** Solamente 0.65 pa set.  
**ACME STORE** SAN NICOLAS TEL. 5381 - 5384

TA BO MES mester bishita nos pa mira e bunita **LAMPINAN DANES** cu nos tin actualmente. Tambe nos a ricibi nu lote unico di **Tela pa Cortina y pa Fura Stoel** Serca nos ta calidad so ta coata!  
**MESKER ARUBA**

**PANAMA STORE**  
 continuamente nos ta ricibi **TELA nobo**. Actualmente nos tin nu surtido precioso di tela den tur color y cantidad.  
 Tambe nos tin **TUR CLASE DI TIRES** den **TUR SIZE** na prijsnan especial. Paquico paga mas, si bo por hanja e mesun producto pa menos?  
 Pa articulo di calidad na prijs atractivo bishita **PANAMA STORE - San Nicolas**

**TA BUSCA**  
 Un mucha homber pa parti Arubaanse Courant na Ponton y Bubali. E MESTER TIN BICICLETA!  
 Pa inf.: Acudi na oficina di Arubaanse Courant, Nassaustraat 85, Oranjestad. Mainta: Entre 8 - 9 or'.

**NOBO NOBO NOBO**  
 Nassaustraat No. 34  
 Ainda barattilo ta sigui!! Bunita tela pa bistr di fiesta, tela borda for di Suiza, tur na prijs masha barata mes!

FILTER TIP  
**MAPLETON**  
 CIGARETTES  
 AVAG SIZE  
 Pa cada 10 paki bashi 1 PAKI JEN na: **SHANGHAI STORE**

**BOTICA ARUBA “TIN TUR COS”**  
 1. Personal gradua competente  
 2. Maquinaria ultra moderno pa despacho rapido y higienico.  
 3. Entrega di recept sin tardanza y sin cobra absolutamente **NADA EXTRA** pa servicio.

**DELICIOSO**  
  
**ARUBA TRADING CO.**

**CISCO KID** presenta pa cortesha di **ARUBA BOTTLING COMPANY** gusta y mas pidi. **NESBITTS** e refresco sin igual, e primer fabrica di refresco na Aruba, cu e produccionnan mas

1. „Mi no ta esposado, y e hombernan ey ta deseando do pa mi.”  
 2. „Magnifico! Nos ta bai come hunta awe nochi?”  
 3. „Cu muchu gusto!”  
 4. „Despues... Mi no ta contra e dama ey! E ta yama Angela pero e mester ta un diabel!”

NO TENGO MARIDO Y ESQ. HOMERES ME ERAN DESCONOCIDOS.  
 MAGNIFICO! CENARAS CONMIGO ESTA NOCHE?  
 ENCANTADA!  
 LUEGO...  
 YO NO ME FIO DE ESA MUJER, SE LLAMA ANGELA, PERO DEBE DE SER UNA DIABLESA!

**PEPITA**  
**Antillian Hardware Co**  
 E mehor adres pa VERF, KWASHI, TUR CLASE DI HERMENT, articulos sanitarin.

1. „Kiko bo ta ey, Papi?”  
 2. „Un kool cu ami so a traha.”  
 3. „E no ta ningun luga habri... e oon e parla por drenta?”  
 4. „Awor su problema ta di sali.”

¿QUE LLEVAS AHÍ-PACO?  
 UNA PAJARERA QUE HICE YO SOLO...  
 NO TIENE ABERTURA ALGUNA... ¿COMO PODRA ENTRAR EL PAJARO?  
 EL PAJARO ESTÁ DENTRO YA.  
 SU PROBLEMA AHORA ES SALIR.

Aki nos por mira dos mucha cu ta contempla e formacion stranjo di ijs riba e riu Rijn na Alemania. Ora cu e ijs ta dirti e ta forma e sorto di grutanen aki.

**THE BEST Brand You Can Buy**  
 Used by more families than any other cereal  
**QUAKER OATS**

**ERRES** ta introduci su linia di **FAN**  
 Diferente model den varios color atractivo. Tambe **FAN PA PLAFOND**, facil pa instala y cu regulador.  
 Actualmente na existencia un lote di **TELEVISOR ERRES** modelonan pa mesa y console. Un aparato sin rival y berdadero decoracion pa bo hogar.  
 Pa un demostracion sin ningun compromiso bishita: **MARCONI PHONE RADIO SALES & SERVICE** San Nicolas - Tel. 5325



# Cumpleanjos



Awe ta cumpliendo un aña mas di feliz existencia e joven Alberto Kock. Felicitacion ta bin di su mama Antonia, di su rumanan Melesio, Francisco, Luis, Jose, Justina, Aquino, Crismo, Juan tambe di Antonia y Federico Fingal y di su diadros sobrinos, especialmente di familia Kock y Fingal y especialmente di Trio Huasteca.

Awe ta celebrando nan feliz cumpleaños e morochonan Fatima y Filomena Lacle. Nan ta ricibi felicitacion di nan tata Antonio, mama Ursula y di nan rumanan Adresito, Ruben, Danilo y di nan wela y weonan y di nan tanta y omonan y di nan primo y primanan y demas familia.

Awe ta cumpli aña senjora Viuda Clemencia Maduro. Felicitacion ta bin di su jioanan Presiliano, Jacobo, Juan, Juliana, Eugenia, Petra, Sira, Gabriela, di su nieto y nietanan, y bisanietonan, di su suegro y suegranan y demas familia Maduro y Ras.

Awe ta cumpli 2 aña di edad e jovencito Mario Ricardo Wernet. Felicitacion ta bin na parti di su mama Maria, di su wela y welanan, primo y primanan, tanta y omonan, di su madrina Marina Kootes, di su padrono Andres Maduro y demas familia Wernet, Maduro, Kootes, Erasmus y Geerman.

## SENTENCIA DI ATENTADO RIBA DE GAULLE

PARIS, 8 febr. — Ayer, mainta nan a suspende e proceso contra e aliche personanan cu a comete atentado riba president De Gaulle na Petit Chamart, pa te dia luna awor.

Mr. Francois Martin, defensor di e acusado Jacques Prevost, cu ta ocupa e luga di mr. Isorni, cu nan a schort pa motibu di a ofende na juez, a pidi pa e suspencion.

Mr. Isorni a wordu e schors pa tres aña como defensor.

Suspension tabata necesario pa duna e defensor obo, tempo pa studia e caso.

## REPRESENTANTE INDONES PA HULANDA

DEN HAAG, 17 febr. — Manera nan a anuncia caba ayera mainta un vocero dje ministerio indones di asuntunan exterior a participa cu e representante dje embahada indones na London lo sali pa Hulanda pa deliberacionnan tocante restablecimiento di relacionnan diplomático.

Un vocero dje ministerio di asuntunan exterior dje gobierno hulandes a bisa di no a ricibi ainda ningun noticia oficial tocante e viahe dje representante indones pa Hulanda pa delibera tocante restablecimiento di relacionnan.

Si Indonesia dicidi pa manda un delegado pa restablece relacion nan lo ricibiele na e minister di asuntunan di exterior pasobra, manera conoci, e gobierno a bisa mas di un biaha di ta dispuesto pa restablece relacionnan.

Di fuente hulandes no tin ningun baricada den caminda pa trafico diplomático.

## REUNION GENERAL DI A.B.B.A. AWE NOCHI

(Di nos redactor Deportivo)  
E reunion general anua di Amateur Baseball Bond Aruba ta wordu teni awe nochi den Wilhelmstadion cumiendo pa 7.30. Ademas di e puntanan di custumber manera e diferente relacion anua, tin tambe eleccion di cuatro miembro di directiva. Actualmente ta na turno di baha e cuatro caballeronan Faneli Tromp, J.A. Rodriguez, Stanley Smith y Johnny Oduber. Tar e cuatronan aki ta re-eligible y nan candidatura a wordu apoya door di directiva.

Tambe directiva a pone como candidato Vincent Thompson, mientras cu Heineken a nomina como su candidato Harry deGrand.

Di e seis personanan aki pues cuatro lo mester wordu eligi.

## ARUBA JRS A DERROTA RIVERPLATE 4-1

(Di nos redactor Deportivo)  
Diarazon anochi a tuma luga e wegá di futbol hoofdklasse entre Aruba Jrs. y Riverplate. Cu anotacion di 4 gol pa 1, Los Azules a sali triunfador.

Promer gol di wegá a wordu anotado door di Riverplate su delantero Juancho Kemp. Cu gol di Gochi Brion di Aruba Jrs. e wegá ta empata na un gol pa banda.

Midvoor Boy Escalona ta pone Aruba Jrs. ariba 2 pa 1, un poco despues. Cu e score aki halftime a bai aden.

Dos biaha mas Aruba Jrs. ta anota den e segundo mitad. Tabata golnan di e hoben Eddy Becker y Luisito Vingal, loke a pone e score na 4 pa 1. A actua den gol pa Aruba Jrs. e largo Ro Agumero. Riverplate a usa su dos keepnan. E promer tres golnan a dreita na man di Ramon Korsen y e ultimo na man di Steenen. Pa Aruba Jrs. esaki ta victoria number cinco y awor nan tin total di 10 punto. Riverplate a sufri su derrota number 10.

## TENNIS ENTRE ARUBA JRS Y ESSO CLUB

(Di nos redactor Deportivo)  
Majan y otro majan atardi lo wordu hunga ariba cancha di tennis na Eagle encuntroan di tennis entre Aruba Jrs. y Easo Club.

Majan atardi e matchnan ta cuminda dos singles masculino y tres doubles. E promer anuncia pa 3'or lo ta entre C. Bruin (Aruba Jrs.) y R. Rimmer (Easo), e segundo match di singles lo ta entre Sid Frigerio (Aruba Jrs.) y A.F. Kayser (Easo).

E encuntroan di doubles lo ta Boy Escalona y Edgar Kelkboom pa Aruba Jrs. contra di W.G. Demuy y J. Lankford pa Easo; C. Kipp y M. Pieters pa Aruba Jrs. contra di R. Burton y P. Storey pa Easo; A. Dieffenthaler y E. Themen pa Aruba Jrs. contra di R. Taapin y C. Holland pa Easo. Pa diadomingo atardi tin senjala un total di cuatro partido.

E Kelkboom (Aruba Jrs.) lo enfrenta C. Stenfert Kroeze den singles. Den doubles masculino lo hunga Luis Brion y Efraim Tromp pa Aruba Jrs. contra di R. Goley y C. Nolthenius pa Easo.

Tambe lo tin dos partido di mixed doubles C. Bruin y Sra. Roelofs Valk (Aruba Jrs.) contra di Sra. Tutein Nolthenius y R.C. Bergfield pa Easo; C. Kipp y Sra. van Dijk pa Aruba Jrs. contra di Sra. Sint y J. Smits pa Easo.

## NAN A DETENE HULANDES NA MERCA

NEW YORK, 8 febr. — Polis di New York a tene ayera nochi un hulandes. R. van de Beek, como testigo principal riba asesinato riba un muher frances.

Dialuna mainta eria di e senjora aki, cu ta senjora Collette Josselson, a hanja cadaver dje muher aki den su apartamento luhoso na Manhattan, New York. Su mannan tabata mara riba su lomba y su rodillanan tabata mara cerca otro, tabatin tambe riba cara dje cadaver algun marca. Un investigacion a indica, cu nan a golpia e victima prome cu nan a matele.

## PHILIPINA Y WEST EUROPA

PARIS, 8 febr. — Emmanuel Pelaez, e segundo president di Filipinas y minister di exterior lo yega Paris awe pa un bishita oficial di cinco dia.

Pelaez a papia simun pasa na London tocante pretensionnan di Filipinas riba Noord Borneo Ingles.

Diamars e firma na Bonn un acuerdo financiero y tecnico, asina nan a anuncia.

## TRAPPERS CLUB


ta presenta su Programa Carnavalesco



Julianita Henriquez

FEBRUARI 9, 1963 - FOR DI 9:00 HASTA 3:00 A.M.

Gran Baile di Carnaval Musica lo wordu respalda pa "LOS BIGOTES" Entrada Caballeros fls. 2.50 DAMAS GRATIS



JOHANNA WERNET

FEBRUARI 16, 1963 - FOR DI 9:00 HASTA 3:00 A.M.

Eligimento di Reina di Carnaval Trappers Musica lo wordu respalda pa "NUEVA SENSACION" Entrada Caballeros fls. 3.00 Damas fls. 1.00



EDNA KOCK

FEBRUARI 20, 1963 - FOR DI 8:00 P.M. HASTA 12:00 M.N.

Coronamento di Reina Carnaval Trappers Musica lo wordu respalda pa CAHA DI ORGEL. Entrada Caballeros fls. 1.00 Damas fls. 0.50



FELECITA VROLIJK

FEBRUARI 23, 1963 - FOR DI 8:00 P.M. HASTA 2:00 A.M.

Baile di Disfras cu "LOS BIGOTES". Caballeros cu disfras solamente fls. 1.00 - sin disfras lo paga fls. 2.50 y Damas sin disfras fls. 1.00 y damas cu disfras GRATIS!

Tur hende ta bonbini na Trappers Clubhuis pa haci nos fiesta di Carnaval un exito. BIN GOSA BO CARNAVAL NA TRAPPERS CLUB

## WHEELER PA KATANGA

ELISABETHSTAD, 8 febr. — General Raymond Wheeler a sali for di New York pa Congo Pa pone su mes na altura di e danjo na e briganan di Katanga durante bringamentunan ahanan y calcula e gastonan pa restablece e danjo.

E organisacion di Nacionnan Uni a haci un peticion na general Wheeler, cu ta pertenece na e cuerpo di ingenieronan Mericano pa trata pa restablece mas lihe posibel e comunicacion den e provincia Congoles.

Tambe nan a haci un apelacion riba e general aki durante e kestion di Canal Suez pa haci e canal cu tabata blokia y baporan cu nan a laga sink, navigable.

## DESASTRE RIBA ISLANAN CANARIO

MADRID, 8 febr. — Ayera a cay den otro un stadhuis na Granadilla, na Tenerife un di e islanan Canario di mas grandi. Segun e prome noticianan, di e agencia Spanjo di prensa y muri na e desgracia aki 20 persona mientras tin mas di dos cien herido.

## HEFE PORTUGUES DI STAF PA PARIS

LISBOA, 8 febr. — E hefe di staf di e forzan Portugues di guerra, general Louis da Camara Pina, a sali pa Paris cuminda, e lo delibera segun circulacion hon informá, cu e miembroan di e staf general Francisco, general Le Poloch, a haci luna pasa un bishita na Portugal.

## EXTREMISMO NA HAPON

TOKIO, 8 febr. — Na Osaka nan a detene diarazon anochi tres extremista derechista cu tabata na punto pa drenta den un trein pa Tokio pa mata prome minister Ikeda y dos otro lider di e partido democraat liberal. Nan tabatin den nan poder punja y cuchu. Entre e arrestadonan tin persona di e organisacion cu ta yama nan mes amigo di un "purificacion nacional".

Esaki ta acusa partido di gobierno di kier mehora relacion cu paisnan comunista manera China. Tin hon vigilancia actualmente na e casnan di prome minister Ikeda y otro lidernan di partido.

## AGENDA

Imprenta na N.V. Drukkerij "De Sted" Theaterstraat 11 - Willemstad Edicion suelta obtinible na 20 cent nos Zaken, Granisland y Cobena Shop Union Store, San Nicolas

Edicio pa N.V. ARUBAANSE DRUKKERIJ N.V. UITGEVER- EN PUBLICITEITS B.N. Nassaustraat 65 - Oranjestad, Aruba N.A.

ARUBAANSE COURANT diarriamente cu excepcion di diadomingo. Suscripcion y 325 paga adelanto Edicion suelta 20 ct.

Telefon 2116 Redaccion y suscripcion 1116 Directiva y anuncio Directeur-hoofredacteur D. Wolff

## CINE

Diabierne 8 di februar

DE VEER 8.30 "Manina, het meisje zonder sluis" 13 J.  
HALTO 8.00 "Illegal" 13 J.  
PRINCIPAL 9.00 "Come september" 13 J.  
AURORA 8.00 "Houman and Juliet" 13 J.

## WIT-GELE KRUIS

San Nicolas: Zr. Perpetua Oranjestad: Zr. Ewaldia. Santa Cruz: L. de Vries. Hospital San Pedro di Verona tel. 2306

## PARTERA

Zr. Th. E. Gibbs, J.G. Emastraat 78 Oranjestad, tel. 1355

## BOTICANAN DI WARDA

Oranjestad: BOTICA OUBER tel. 1780 San Nicolas: BOTICA CENTRAL tel. 5119

## POSTSLUISING Vrijdag

Anailla - Antigua - Argentina 13.30 - Canal Zone - Chile 14.00 - COLOMBIA - Barranquilla - Bogota - Costa Rica - Cuba 10.00 - Curacao 8.00 - 16.00 - Ecuador 14.00 - El Salvador - EUROPA (Azia-Afrika) 15.30 - Fr. Guiana - Guadeloupe - Guatemala - Haiti 15.30 - Honduras - Br. Honduras - Jamaica 10.00 - Martinique - Mexico 10.00 - Monserrat - U.S.A. - Miami Fla. 10.00 - (Azia-Afrika-Australia) New York 8.00 - 15.30 - New Orleans, La. - Nevada - Nicaragua - Panama - Paraguay 14.00 - Peru - Puerto Rico 15.30 - Rep. Dominicana 15.30 - St. Kitts - St. Maarten - Suriname - Fr. Trinidad - Uruguay 14.00 - VENEZUELA - Virginia Eilanden - Maracaibo 15.30 - Atencion: Cerramento di piezanan certifica ta un ora prome cu di post. 14.00 - Bolivia 14.00 - Bonaire 16.00 - Brazil 14.00 - Br. Guiana - Canada 8.00 -

## RADIO KELKBOOM

Diabierne 8 di februar 1963  
8.02 Seleccion musica cu disconan Latino Americano  
8.30 Cumpleanjos Feliz  
8.50 Peticion Musical Pa Telefono  
9.15 Musica Varia  
10.30 Programa Commercial  
11.00 Musica Norte Americana  
11.15 Musica Antillana  
11.30 Musica Varia  
12.05 Noticia Local  
12.20 Musica Europeo  
12.30 Nieuws in het Nederlands  
12.45 Musica Norte Americana  
12.55 News in a Nutshell  
1.00 Musica Varia  
1.30 Mel ora cu Boleros

2.01 Nolletero Musical Gamma  
2.30 Melodias Instrumental  
3.00 Cha Cha Cha  
3.15 Merengues  
3.30 Cateyes  
3.45 Nos Artista Invita  
4.00 Musica su sabor Azteca  
4.30 Noticia Local  
4.45 Coctail Musical  
5.00 Panzones Cubanos  
5.30 Musica de Cuba  
6.00 Noticia Deportivo  
6.15 Intermedio Musical  
6.30 Musica para la Casa  
7.00 Noticia Internacional  
7.15 Musica Europeo  
7.45 Nieuws in het Nederlands  
8.15 Noticia (Estrellita)  
8.30 Musica Varia  
8.45 Hit Internacional  
9.45 Variacion Musical  
10.00 Silencing

## RADIO VICTORIA

Diabierne 8 di februar 1963

9.00 Apertura  
9.05 Ultima Noticia  
9.15 E Bijbel Habri  
9.30 E Mundo Feminino  
9.35 Musica de Evangelio  
10.00 World News  
10.10 Hymn of the Day  
10.15 Radio Revital  
10.45 Organ Melodies  
11.00 Stories of Great Christians  
11.15 Musica Varia  
11.30 Melodias di Merida  
12.00 Ultima Noticia  
12.15 Musica Sagrada  
12.30 World News  
12.45 Quiet Time  
1.00 Concert Hall  
2.00 Reading  
2.15 Songs of Zion  
2.30 Quiet Hour  
2.45 Encuentro Musical  
3.15 Cafe con Musica  
3.30 Luz y Verdad  
4.00 Musica di Banda  
4.15 Ultima Noticia  
4.30 El Libro Inmortal  
5.30 Musica de la Biblia Club  
6.45 Noticia Espanol  
6.50 Joyas del Rosar  
7.00 Musica de la Biblia  
6.00 Ultima Noticia  
6.45 Noticia Nieuws  
7.00 Voot Zina Gloria  
7.15 On Wings  
7.30 Unshackled  
7.50 World News  
8.15 The Record  
8.30 Back to the Bible  
10.05 Klansiele Muziek  
11.00 Sign Off  
9.00 Musical Gems  
9.30 Haven of Rest  
10.00 World News

## RADIO CARACAS TELEVISION

Vierne 5 de febrero 1963

8.57 Himno Nacional, presentacion  
8.57 Informacion sobre los programas del dia  
9.00 Cantata de la Biblia  
9.30 En el jardin de infancia  
10.00 Senderos de luz  
10.15 Cenas de mujeres  
11.15 Cine de Argentina  
11.30 La perfecta ama de casa  
12.00 La C. V. I. R. T. V. Informa a la Nacion  
12.05 La novela romantica "En la gloria"  
12.25 El show de Saume  
1.40 Se necesita una amiga  
2.00 El show de Renny  
2.30 Mama es quien manda  
3.00 El observador  
3.15 La novela "El amor tiene otra cara"  
3.30 La craneoteca de los genios  
3.45 La novela "El dios ciego"  
3.55 Julian Pacheco  
10.45 En el umbral del misterio  
11.00 Los cuatro hombres justos  
11.30 Teatro de estrellas  
12.00 Elly Queen despedida  
12.30 Informacion sobre los programas de mañana  
12.40 Marcha oficial, Himno Nacional

**PALAIS ORIENTAL**  
ORANJESTAD (Nassaustraat 77) - SAN NICOLAS  
Majan nos GRAN BARATILLO ANUAL ta cuminda.  
Nos prijsnan di BARATILLO ta fantastico.  
BISTIR PA DAMAS fl. 4.90  
BISTIR PA MUCHA fl. 1.95  
ZAPATU PA DAMAS for di fl. 3.90  
ZAPATU ITALIANO na mitad-prijs.  
CARTERA PA DAMAS fl. 0.95  
Trahe di banjo TWEKA y ROSE MARIE REID cu rebaho di 30 pa 60%.  
Probeca di e GRAN BARATILLO aki.

**TERRITORIO INSULAR DI ARUBA**  
Ontvanger di Teritorio Insular di Aruba ta participa na esnan cu debe awa pa luna di december 1962 cu aanmaning lo ser poni na past dia 11 di februar 1963 y cu for di dia 12 di februar 1963 lo cuminda cobra gastonan di aanmaning pa e luna menciona.

**OPENBARE VERGADERING**  
van de Eilandsraad van Aruba op maandag 11 februar 1963 des namiddags om 3 uur.  
AGENDA:  
Wijziging van het Kiesreglement Eilandsraad Aruba.  
Oranjestad, 6 februar 1963.  
De Voorzitter,  
I. S. DE CUBA.

**Dr. Bernabe Perez**  
q.e.p.d.  
No hay tarjeta especial.

La Señora Josefa Hernández viuda de Pérez, sus hijas, nietas y demas familiares, agradecen las manifestaciones de pésame recibidas de sus amistades de Aruba, con motivo al sensible fallecimiento de nuestro querido deudo

**„SUERTE DI MARILUZ“**  
Pa: JUANITA  
HOLLANDSE BANKETBAKKERIJ  
Oranjestad tel. 2798 - San Nicolas tel. 5478  
E mehor adres pa Bola y tur clase di pasa-boca. Diariamente fresco.

No. 9

E mucha hombra a tene su man, aunque e mucha muher a muestra contrariedad. Luna a hohe sali y cu su luz cla e ta ilumina e inquieto escena. E gesto di Juan Miguel ta cu menoscipio y firme.

Esun di e Marquetista ta tur bruhá y exahera. Mariluz ta riba cu su mes, pasobra cu e no ta sintie sigur di su mes. Alrobe ta e mucha hombra ta papia:

„Bo ta kere cu ta pa casualidad nos a topa akinan.“

E mucha muher ta haciendo un esfuerzo masha grandi pa e bira tranquil. E a logra di los su man.

„No, no ta casualidad, e ta contesta energia.“

„Asina, mi ta contento cu bo ta confesa. Mi tambe tin di reconose esey. E embrujo di mey anochi y tambe e recuerdo despues di... loke a pasa awe tardi.“

„Mi no sa ta kiko bo kier meen.“

„Bo sa masha bon.“

„Bo tabata para cerca ey banda, y ho mester a tende loke mi a papia. Haci mescos cu bo a lubida nan. Locual mi a papia, mi a haci esey sin pensa.“

„Admiti. Mi a jega di adivina masha bon. Mariluz, cu den ho espirito tin hopi contradictorias. Bo tin un fondo limpi, pero na e mesun momento bo ta soberbia, inconsequente di ho mes sentimentonan. Bo kier muestra cu bo ta masha balente, pero bo no ta durf di weyta kiko bo mes curazon kier bisa. Bo ta comprende loke mi ta bisa bo?“

„Mi no tin mester di sigui cuidadosamente local bo ta bisa. Mi a bini aki nan netamente, pa mi kita e mal efecto cu mi a haci papiando asina sin sa drechi kiko mi a bisa ora cu mi a papia di bo.“

„Esey tambe mi ta acepta, aunque... cu ami ta pensando di ho otro cos.“

„Tene hopi cuidado di loke ho ta pensa di mi, y loke ho ta bay bisa.“

„Kizas mi por sinti mi ofendi, e justo motibo. Ningun pensamiento di mi por ofende bo dignidad Mariluz. Mi ta e hombra cu mas ta admira bo: cu tur bo calidatnan di muher, y cu tur bo defectonan.“

„Laga nos stop e conversacion aki. Mi no tin gana di papia mas.“

„No, Juan Miguel, laga nos papia, si bo kier.“

„Masha danki, emperatriz. Mi ta ofrece bo mi brazu. Bo kier han cu mi na e lugar di nos recordos?“

„Si...“ E brazu delicado y fini di e mucha muher a apoya na esun di e hombra. Nan dos a camina hunto y silencioso te ora cu nan a jega na e porta chikito di e coral.

„Ta akinan — e mucha hombra a bisa — ho ta corda?“

E mucha muher a admiti. E mucha muher ta sintiele profundamente emocionada y inquieta. Pa haci pa nan bay conversa ariba un otro tema e mucha muher a bisa:

„Bo ta keda na „La Solana“ awor? Esey a sorprende mi.“

„Mi omo a bin biba akinan, poco tempo pasa. Nan a dunele trabou na e linea. Ami ta cu vacante awor. Algun biaha mi ta yuda Don Eusebio, e administrador, cu su trabou. Awe mainta, pa motibo di eurovidad, mi a sali pa mira bosnan jega. Esey ta e razon pakico mi tabata cynan ora cu bo a baha for di ho auto.“

„Y con ho a pasa durante tur e anjanan ey?“

„Masha geewoon. Mi a studia firmemente, mi a caba mi carrera di medico y awor mi ta especializando den Cirugia. Tambe mi ta preparando pa doctorado. Mi ta segura bo cu e especialidad Cirurgia ta apasiona mi mas cu tur cos na mundo.“

„Y ainda ho ta persisti ho hobby di torero?“

„No, mi no a stop cu esey. Mi ta considera esey como mi unico distraccion fuera di mi estudio. Mi ta sigur, cu si nan propone mi pa torea, lo mi triunfa. Mi a sinja torea bon, tambe ariba cabay.“

„Y ainda bo no ta comprende e toreroamento na ta bon, ya cu ho ta bay bira un medico?“

„Bo ta equivooca. Tanto aki na Castilla como na Andalucia semper tin hende hombra aristocraat y cu tin un trabou brillante cu ta destaca den toreroamento. Cumizando di e siglo aki un joven aristocraat, jama Don Luis Mazantini, a sobresali como un di e promer torcadornan, y despues e j a bira un politico. Pesey cu ami, no ta kere cu mi ta rebahá mi mes, si mi mester enfrenta mi mes cu un toro. Y tampoco ningun hende no por tira esey den mi cara, despues cu mi bira un cirujano.“

„Hombra ta difcil pa comprende.“

„Y muher awor... pero laga nos stop di papia over di esaki. Conta mi algo di ho bida Mariluz. Bo ta tin amores?“

„Nan tabata namora mi.“

„Kier meen cu bo curazon ta jiber, ainda auto? E mucha muher a cuminda hari.“

„Mi ta tratando di eligi.“

„Wel esche ho, mucha. Tin masha poco hombra cu merece ho.“

„No gaba mi mucho. Y abo, bo tin un mucha muher?“



THE BEST WAY TO MAKE SOUPS MORE NOURISHING



PROFESORAN DI GENT TA AMENAZA CU HUELGA

BRUSSEL, 8 febr. — Tambe e profesornan di e universidad di Gent a dicidi pa no reve colegio durante 11 te dia 16 di februa...

E profesornan na Luk a dicidi for di sintan pasa pa tene un tal accion di protesta.

NAVEGACION RIBA CUBA

GOTHENBURG, 8 febr. — Torkel Carlsson, director di e compania na Gothenburg di navegacion transatlantico, a desmenti cu su bapor "Cooranga" a tuma parti den trafico comercial cu Cuba...

pa den e trafico comercial na Cuba. E number di e bapor aki tambe ta menciona den e lista...

Un basero di e compania di navegacion "Lloyd Veneziano" a participi pa na Roma cu e "Castoregio"...

For di diez anja cuba navegacion ta den un crisis. Nos tambe mester biba.

E TRATADO FRANCES ALEMAN

BONN, 8 febr. — Gabinete di Alemania West a dicidi pa pone dilanti bondsdag e acuerdo pa cooperacion entre Republica Federal y Francia...

Esaki ta e prome paso den e procedura normal di ratificacion. Cansiller federal Adenauer a declara un dia prome cu e ta spera cu banda di tur nan lo a cuba cu e tal proposicion di ley.

LORD HOME NA BRUSSEL

LONDEN, 8 febr. — Minister di exterior di Inglatera, Lord Home, ta delibera cu Brussel cu su colega Paul Henri Spaak...

delibera cu Brussel cu su colega Paul Henri Spaak tocante e consecuenca nan di e fracaso di deliberacionan na Brussel...

INTENTO DI HUIDA A FRACASA

PARIS, 8 febr. — Dos miembro di e organisacion Frances di oposicion, Daniel Godot di 30 anja, ex asistente di e comandante di trupanan di accion di ehercito secreto...

Despues di e corta un di e barranan di herra di bentana di nan celda, nan a logra alcanza e muraya rond di e edificio di prison cu ta mas o menos siete meter di altura.

MEÑDE TOCANTE EEG

BONN, 8 febr. — Erich Mende, lider di e partido democratico di Alemania West, a declara ayera pa radio di Alemania West cu deliberacion nobo cu Inglatera y paisnan di Scandinavia lo por haci posibel afiliacion den e mercado comun Europeo.

SOLAMENTE 19 DIA MAS Corda bon cu dia 27 di februari ta ultimo dia cu nos ta cambia tickelena...

SECRETARIO DI ALEMANIA WEST PA MERCA

BONN, 8 febr. — Secretario di estado di Alemania West, prof. Carstens, lo sali awe pa Merca pa delibera tocante kestionnan politico...

Den circulacion politico na Bonn nan ta relaciona e viahe kuespera di profesor Carstens cu e actividadnan politico cu e gobierno di Alemania West kier haci den futuro pa solucion e dilemanan crea como consecuencia di e fracaso di e conferencia di Brussel...

Riba e disenjo aki por mira claramente con, cu ayudo di tres satellite syncom, cada uno riba un altura di 35.800 km., un red rond di mundo por wordo construi pa un conexion permanente.

CONFLICTO ENTRE CHINA Y INDIA

TEZPOER, 8 febr. — E Chinesnan a desocupa completamente e territorio Noord Oost di frontera, caminda nan a conquista di e trupanan di India terrenonan importante, asina e comisario di India pa e territorio di Tezpoer a declara...

COUVE DE MURVILLE TOCANTE EUROPA

PARIS, 8 febr. — E minister di asuntunan exterior Couve de Murville, a bisa cu lo yega un tempu cu Inglatera lo afilia den E.E.G. Entre tanto E.E.G. mester sigi su rumbo manera nada un no a pasa.

BONDSDAG TA TRATA DECLARACION DI GOBIERNO

BONN, 8 febr. — E bondsdag di Alemania West a habri ayera mainta debatenan tocante declaracion di gobierno, cu cansiller federal Adenauer a haci diarason y cu Ollenhauer, lider di e oposicion socialista a yama insatisfactorio.

Ollenhauer a bisa cu ta pa malu e cansiller federal a tene un declaracion asina largu y inutil. E president di e partido socialista di Alemania, a exigi cu e gobierno federal lo trata pa tene un conversacion cu Union Sovietica pa suavisar e futuro di e poblacion di e zona Sovietico di Alemania...

RIO DE JANEIRO, 8 febr. — Den Estado Brazilieno Minas Gerais, a muri ayera 28 persona na un desgracia di autobus na e caminda di Bello Horizonte pa Varginha. E bus a cai den un nprecipicio despues di a dal den un truck.

BO HOROSCOPO PERSONAL

ARIES 21 Maart — 20 April. Awe bo lo cambia di opinion di un asunto importante, cuida bo dieta. TAURUS 21 April — 20 Mei. Luna jen ta tene un periodo pa bo, den eua bo lo tin contacto cu hopi otro hende...

THE BEST for PURITY AND FRESHNESS Air-tight tin keeps out dirt and insects QUAKER OATS

PLAN DI NORSTAD

MINNEAPOLIS, 8 febr. — General Lauris Norstad, comandante supremo di forzonan di guerra di NAVO na Europa, a propone pa instala na Europa un zona di Oeral te Golfo di Biscaya, cu mester wordu inspecciona for di aire y riba terra por medio di radar.

28 MORTO NA DESGRACIA DI BUS

RIO DE JANEIRO, 8 febr. — Den Estado Brazilieno Minas Gerais, a muri ayera 28 persona na un desgracia di autobus na e caminda di Bello Horizonte pa Varginha. E bus a cai den un nprecipicio despues di a dal den un truck.

GEMINI 21 Mei — 20 Juni. Bo relacion cu otro personanan ta variable awe, bo mester cambia bo idea. CANCER 21 Juni — 22 Juli. Luna jen ta permi bo pa forma un opinion husto di bo finanzas y ta duna bo inspiracion. LEO 23 Juli — 22 Augustus. Awe ta un bon dia pa cooperi cu otro hendenan, evita problemanan.


VIRGO 23 Augustus — 22 September. Luna jen ta duna bo forza pa vence tur bo problemanan, mus tra consideracion. LIBRA 23 September — 22 Oktober. Evita situacionnan desagradable awe noch, domina bo emocionnan. SCORPIO 23 Oktober — 22 November. Paga tino den bo relacionnan cu amigu cu bo lo topa awe.

SAGITARIUS 23 November — 21 December. Luna jen por bria ha bo pensamentunan, actua cu calma y control. CAPRICORNUS 22 December — 19 Januari. Luna jen ta evigi calma y control den asuntunan di placia pa awe. ACUARIUS 20 Januari — 18 Februari. Luna jen por causa emocionnan fuerte cerca bo awe, trata cu control bo mester. PISCES 19 Februari — 20 Maart. Luna jen por juda bo pa cala un trabau importante y haci progreso den bo trabau.



DICK TRACY

1. Awor el a sali for di su apartamento. 2. Sigue. 3. Mas abao, mas abao. 4. Aha, esey si! 5. Sake for di eyan, Awor e ta bai corre un rato den aire.



RIP KIRBY pa cortesia di: Jan Bodegom en Co (Aruba) N.V. TEL. 1284-1402


agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE

1. Den e mansion di "Desmondale" a laga nos tuma un brinda pa e bon noticia. 2. Pa cual di nan Jack? 3. "Nan a hantia un persona cu nan ta laga pasa pa "Lord Desmond", heredero di esaki? E ta bini aki?" 4. "Y kiko bo ta pensa di haci euné, Jack?" 5. "Esey mi tin cu pensa bon, Orquidea."



BUCHI ROBEZ presenta pa cortesia di: REFRESQUERIA INGRID TEL. 1849

\* e mehor adres pa snacks, tur clase di dushi, softdrinks, ice-cream y revistas



Princesa Anne Marie di Dinamarca a bai scol atrobe, despues di su jegada for di Grecia. E reina di futuro di Grecia a worde presenta pa su comprometido e principe heredero Constantin di Grecia na e poblacion, Aki princesa Anne Marie ta jega na su scol.

THE BEST for Building Good Healthy Blood QUAKER OATS